



OÑATI
dabilen herria



ALKATE DEKRETUA

Nik, Izaro Elorza Arreguik, Oñatiko alkatea naizenez eta Toki Korporazioetako Antolakuntza, Funtzionamendu eta Erregimen Juridiko Erregelamenduak ematen dizkidan ahalmenetan oinarrituz, ondorengoa agintzea erabaki dut:

ZERBITZUEN ARDURADUN (A2) LANPOSTURAKO BITARTEKO FUNTZIONARIO BAT KONTRATATZEA (2026ABFI0017)

Udal teknikariaren txostenak honela dio hitzez hitz:

"Udaleko Giza Baliabide eta Antolaketako teknikari naizen honek honako txostena eman dut:

Espediente-zk.: 2026ABFI0017

Espedientearen helbidea: OÑATI

Gaia: Zerbitzuen arduradun (A2) lanposturako bitarteko funtzionario bat (1) kontratatzea.

Interesduna: Alizia Astiazaran Moral (NAN: ***3844**)

Gertakariak:

Oñatiko Udaleko Zerbitzuen arduradun lanpostua (A2) hutsik dago eta bitartekoz bete behar da. 2026ko ekainaren 12ko 1165 zenbakidun Alkate-dekretuz onartu ziren horretarako deialdia eta oinarriak, eta izena emateko epea ireki zen.

2026ko ekainaren 23ko 1248 zenbakidun Alkate-dekretuz onartutako izangai onartu eta baztertuen eta merezimenduen balorazioa argitaratu zen eta ez da horren kontrako erreklamaziorik egon alegazio-epearen barruan. Hori dela-eta, zerrendaren hurrenkera jarraituz, Alizia Astiazaran Moralek lanposturako lan-eskaintza onartu du eta 2026ko uztailaren 14a izango da bere lehenengo lan-eguna.

Zuzenbideko oinarriak:

Kontratazio hau egiteko kontuan hartu dira urriaren 30eko 5/2015 Legegintzako Errege Dekretuan Enplegatu Publikoaren Oinarritzko Estatutuaren Legearen testu bateginaren 10.1.a artikulua bitarteko funtzionarioei buruzko xedapenetan jasotzen duena eta Euskal Enplegu Publikoko 11/2022 Legeko 28.1.a) artikulua dioena:

"10. artikulua. Bitarteko funtzionarioak.

1. Bitarteko funtzionarioak dira, berariaz justifikatutako beharrian- eta presa-arrazoiak direla medio, karrerako funtzionarioei dagozkien berezko eginkizunak betetzeko aldi baterako bitarteko funtzionario izendatzen direnak, honako egoera hauetakoren bat gertatzen denean:

a) Plaza hutsak egotea, karrerako funtzionarioek bete ezin dituztenean, gehienez ere hiru urterako, 4. paragrafoan aurreikusitako baldintzetan."

"28. artikulua. Bitarteko funtzionarioak.

1. Bitarteko funtzionarioak dira, berariaz justifikatutako beharrian- eta presa-arrazoiak direla medio, karrerako funtzionarioentzat gordetako eginkizunak betetzeko izendatzen direnak, honako inguruabar hauetakoren bat gertatzen denean:

a) Lanpostu hutsak egotea, karrerako funtzionarioek bete ezin dituztenean, gehienez ere hiru urterako."





190/2004 Dekretuak, urriaren 13koak, euskal herri-administrazioetako funtzionarioen lanpostuak betetzeko araudia onartzeko denak (58. artikuluan) dio:

"1- Bitartekoen hautaketa egingo da gai horri buruz administrazio bakoitzak ezartzen dituen arauen arabera. Hautatzeko prozedurek berdintasun-, ageritasun-, meritu- eta gaitasun-printzipioak bermatzen dituzten irizpideak izango dituzte oinarri, aldi berean irizpideok prozedura horiek ahalik eta zaluena izatea bideratzen dutela.

2- Berariazko araurik ez balego, hautaketa oro har egingo da funtzionario izateko edo aldi baterako enpleguaren poltsak eratzeko, izandako hautaketa prozesurik gaingitu dutenen artean.

3- Giza Baliabideen kudeaketa eraginkorrari eragozten ez dion heinean, euskal herri administrazioek elkarri elkarlana eskainiko diote, bitarteko funtzionarioak izendatzeko xedez beren lan-poltsetan sarturiko langileak maileguan utziz.

4- Izangaiak hartzeko premiarik edo zailtasunik baldin badago, salbuespen bezala eta justifikatutako memoria bitarteko delarik, enplegu zerbitzu publikoez baliatzeko aukera egongo da."

Proposamena:

Hori guztia kontuan izanda, honakoa proposatu dut:

5/2015 Legegintzako Errege Dekretuak, urriaren 30ekoak, Oinarrizko Estatutuaren Legearen testu bategina onesten duenak, 10.1.a artikuluan xedatzen duenaren arabera, 2026ko uztailaren 14tik aurrera, Alizia Astiazaran Moral (NAN: ***3844**) izendatzea Zerbitzuen arduradun lanpostua (A2) betetzeko % 100eko lanaldiarekin, bitarteko funtzionario gisa, karrerako funtzionario baten bidez lanpostua bete bitartean.

Hileko soldata gordina lanpostuari dagokiona izango da.

Halaber, langileak 15 eguneko probaldia izatea proposatu da, lanerako gaitasuna duela egiaztatzeko.

Jasota dago kreditu nahikoa dagoela."

Goiko txostenak dioena ikusirik, nik, Izaro Elorza Arreguik, Oñatiko Alkatea naizenez, legeak ematen dizkidan eskumenak erabilita, **erabaki dut:**

Lehenengoa.- Salbuespenetzko arrazoiak daudela adieraztea eta udal honen premiazko behar atzeraezinei erantzuteko, izendapena egitea beharrezkoa dela.

Bigarrena.- Zerbitzuen arduradun lanpostua karrerako funtzionario baten bidez bete bitartean, bitarteko langile bat izendatzea.

Hirugarrena.- Urriaren 30eko 5/2015 Legegintzako Errege Dekretuaren 10.1.a) artikuluan xedatutakoaren arabera, uztailaren 14tik aurrera, Alizia Astiazaran Moral (NAN: ***3844**) izendatzea zerbitzuen arduradun lanpostua (A2) % 100eko lanaldiarekin betetzeko bitarteko funtzionario gisa, lanpostua karrerako funtzionario baten bidez bete bitartean.

Laugarrena.- Lanpostuari dagozkion ordainsariak jasotzea.

Bosgarrena.- Langileari 15 eguneko probaldia ezarriko zaio, lanerako gaitasuna duela egiaztatzeko.



OÑATI

dabilen herria

Seigarrena.- Nolanahi ere, Administrazioak ofizioz formalizatuko du bitartekotasun-harremanaren amaiera, 5/2015 Legegintzako Errege Dekretuak, urriaren 30ekoak, Enplegatu Publikoaren Oinarrizko Estatutuaren Legearen testuategina onartzen duenak (TREBEPEk) 63. artikuluan aurreikusitako arrazoiengatik ez ezik, baita honako arrazoi hauengatik ere, eta izendapena ondoriorik gabe geldituko da eta ez du konpentsaziorako eskubiderik izango:

- A) Karrerako funtzionarioek lanpostua arauzko eran betetzeagatik, legez ezarritako edozein prozeduraren bidez.
- B) Esleitutako lanpostuak kentzea edo amortizatzea dakarten antolaketa-arrazoiengatik.
- C) Izendapenean berariaz jasotako epe baimendua amaitzeagatik.
- D) Izendapena eragin zuen arrazoia amaitzeagatik.

Zazpigarrena.- Ebazpen hau interesdunari, Kontu-hartzailetzari eta Giza Baliabide sailari jakinaraztea.

Oñatin, 2026ko uztailaren 06an


Alkatea

OÑATIKO UDALA
Izaro Etorza Arregui

